

成案質疑

職制四  
公式一


九	三	八	漢
七	五	〇	書
七	五	〇	門
冊	架	函	號
類			

九	二	八	漢
三	九	〇	書
二	〇	〇	架
函	冊	號	類

卷  
三ノ一  
二ノ四

内閣文庫	
番號	漢 9248
冊數	75 ( 12 )
函號	296 100

十二





綴じ部(喉部分)の文字等が開きが不鮮明な場所あり

擅離職役

官員擅離職守

康熙四十年正月吏部議直撫李光地疏保定府知府祖允熹請假  
 巡視秋獲擅往別府地方七日始歸雖聞該府省母但為職守所拘  
 並未稟明上司查見任文職離汎雖無處分正例而律內有文官擅  
 離職役笞四十附過還職之條相應指參前來查臣部並無議處文  
 官擅離職役笞四十之正條今據刑部咨稱見行例因文武官員有  
 擅離職役俱照律文笞四十贖銀一兩等語查祖允熹因巡查就  
 便省母雖人子至情但具稟巡撫止言近郊巡查未將省母情節說  
 明不合應將祖允熹罰俸六個月奉  
 旨祖允熹從寬免罰俸



職制

職制

擅離職役

潛逃回衛不報

康熙三十一年三月兵部議偏撫王樛疏偽守備劉漢係安插濤浪衛之弁脫逃報部該衛申報劉漢在衛病故並未聲明于何年月日回衛等語查安插投誠官員該管官潛逃之處已經報明事後潛回不報作何處分並無定例但劉漢脫逃之處報明潛回不報不合應將守備朱 罰俸一年奉

旨依議

武職住宿城外

康熙四十六年 月兵部題步軍校諾穆齊接伊兄嫂欲去並不在該管官告假私自往接在外一日有餘查定例內凡武官無故在城外住宿逢朝期不上朝者革職應將諾穆齊照例革職奉

旨依議

齊人遶道

康熙五十六年 月兵部議得直督趙 疏稱廂黃旗營上驍騎校武常夫妻等前往泰安州進香不由驛路行走遶宿村庄搭棚生事之處似屬違例應否議處統候部議等因前來查武常往泰安州進香理應大路行走今不由大路行走遶宿村庄不合應將武常罰俸一年仍令前往泰安州進香可也奉

旨依議

私留子侄在任

雍正十年十二月

上諭旂員子弟久隨外任不但子孫安逸遊蕩荒廢無成而在署于預地方之事每壞父兄聲名是以從前議定外官子弟十八歲以上者悉令歸旂成讀書肄業成披甲食糧使之各有成就不廢業此朕教養之恩也至于伊等子弟中有可以代其父兄務另有情節不能相離者朕原其奏聞請旨府等官不能自達于朕者亦有督撫代奏之例今太原府知府劉宗元將伊涇陽縣縣丞羅思哈將伊功令之不加旂大奏聞而任

旨行  
後再有不曾奏聞  
而任  
參出悉照劉宗元等之例解任親送子弟來

成化通志

卷二十一

四

擅離職役

京仍交部昭例議處

旗員子弟私留外任處分

雍正十年十二月兵部准內閣抄出和碩莊親王奏太原府知府劉崇元等將伊子姪不令歸旂一摺奉


旨旗員子弟久隨外任不但子弟安逸游蕩荒廢無成而在署干預地方之事每壞父兄聲名是以從前議定外官子弟十八歲以上者悉令歸旂或讀書肄業或披甲食糧使之各有成就不致廢棄此朕教養之恩也至於伊等子弟中有可以助其父兄辦理事務或另有情節不能相離者朕原准其奏聞請旨而府道等官不能自達於朕者亦有督撫代奏之例今太原知府劉崇元將伊姪劉度昭私留任所不令來京涇陽縣縣丞羅思哈將伊子什勒誑稱年歲不符不行咨送似此怠玩功令之員不可不加懲戒劉崇元羅思哈俱着解任送伊子姪來京該旗大臣奏聞請旨着將此旨通行曉諭旗員等倘嗣後再有不會奏聞而私

自留居任所者一經參出悉照劉崇元等之例解任親送子弟來京仍交部照例議處欽此

旂員子弟請隨留任必查明不能相離情由具奏

乾隆三年五月奉

旨趙世燕在威寧州知州任時因伊弟趙世烈年已及歲遵例送歸該旂今復請令往任協助與例不符外任旂員子弟十八歲以上悉令回旂者以伊等原係應行當差之人且恐在外生事是以定有此例其中若有嫡親子弟舊係同居實有不能相離之勢許其隨任協助揆之情理尚屬可行近來部議旂員請留子弟隨任者一槩議准未為允協趙世燕請伊弟隨任之處不准行嗣後旂員請留子弟隨任者該部務須查明實有不能相離情由方可議准奏聞請旨



請留女婚隨任協理

乾隆三年十月河東總河白 奏切照山東官河道一官經營通省  
黃運兩河夏秋則須在黃河住宿修防春冬則須在運河查催挑濬  
加以催趲重空糧船及監修湘河柴土石土計一歲之內在河干日  
多在署日少道庫收放錢糧一切文移往來均需親信之人照管檢  
點前據該道王鴻勳以孤身無子請將養婿白樹綱隨在幫助經臣  
具疏轉奏部議與原奉

諭旨不符不便准行臣接准部文卽行該道遵照在案今復據該道詳稱  
鴻勳自幼出繼子身承祧今年過五旬妻亡無子止有一女與女婿  
撫養在署向來鴻勳在外辦公凡事俱係女婿幫助料理詎雖翁婿  
實同父子在有子之人女婿固可聽其去留卽子多之人一子亦不  
妨遠出今鴻勳無妻無子一身之外惟有女婿一人若一旦分離鴻



黜垂暮之年鰥獨孤苦情實堪憐乞將此種下情代為上達倘蒙  
聖恩准留任所父女翁婿得以相依相助頂戴

皇仁於生生世世等情臣查旂人年十八以上例應歸旂該道請留養婿  
白樹綱已經部駁臣何敢再為代奏但查該道中年無子翁婿同居  
相為依倚今請留任情詞哀切伏讀本年五月內

諭旨旂員子弟務查實有不能相離情由方可奏聞請旨

聖主體恤臣下無微不至今該道所請留伊女婿隨任雖與子弟不同然  
其情實不能相離可否准其隨任幫助出自

皇上格補天恩臣謹據情恭摺代奏伏乞

聖鑒奉

硃批着照所請行該部知道

官員赴任過限

文憑漂沒不候執照赴任

康熙三十年閏七月吏部覆福撫卞永譽題建寧知府張琦文憑漂  
沒雖呈明富陽縣取有印結查張琦文憑失水漂沒例應候該省巡  
撫布政司料理文場事畢呈明取執照赴任今張琦不候文場事畢  
取執照徑行到任與例不符查定例內官員押運糧不候交完未經  
掣批私自回任者罰俸一年等語應將知府張琦比照此例罰俸一  
年奉

旨依議

陞員領憑逾限

康熙二十八年六月吏部議川撫噶 疏稱營山知縣李天培陞授  
直隸深州知州准部頒到文憑隨檄該員承領并批委接署去後交  
代出結雖在限內但行催領憑至今未據具領查定例大小官員一  
月以上不赴畫憑者罰俸一年等語應將營山陞任知縣李 照此  
例罰俸一年奉

旨依議

官員赴任中途患病在限外者取結具題

康熙五十六年八月吏部查得原任上猶縣知縣任奕蓋因到任違  
限革職一案據江西巡撫佟國勳疏稱查赴任各官並無限外患病  
不應取結之例將任奕蓋以患病情真與違限而托故取結者不同  
具題聽候部議本部將原任上猶縣知縣任奕蓋原奏革職之案准  
其開復另補但查官員赴任中途患病未有分別限內限外定取印  
結之例此內不無因逾限而捏報患病取印結之弊嗣後遇有限內  
患病者仍照例准取該地方官印結外遇有限外患病者具報地方  
官驗實轉詳上司該撫查明情真具題若止取有該地方官印結未  
經該撫具題者其取印結之處不准扣算仍照違限議處奉

旨依議

赴任遠道回籍

康熙六年四月吏部議給事中碩木科疏稱陝西鳳翔縣松林驛驛丞錢鵬海遠限三個月零二十二日取有本籍山陰縣印結但領憑應赴新任今遠道回籍違例取結相應降一級調用山陰縣知縣湯祖鉉不行查驗遠道回籍之官違例出結明係徇情降一級調用查出結遠道回籍官員原無處分之例俟

命下入例遵行奉

旨依議

裁缺戀職

康熙二十八年七月兵部議偏撫興永朝疏常德衛裁缺守備王  
茶陵衛裁缺守備朱 雖開造冊籍遲延與別無事故者有間但遲  
至半載尚不授受離任戀職之咎矣能為寬其布政司請叅在先非  
不行查逐者比職名應免開報至歸併衛所錢糧文冊業已藩司承  
查都司職名無容開報等因將裁缺守備王 等照例各降一級調  
用該撫雖稱歸併衛所錢糧文冊業已藩司承查等語但都司係前  
管衛所之員應將都司張 照例罰俸一年又該撫雖稱藩司詳請  
題叅在先非不行查逐者可比但裁缺守備王 等戀職布政司並  
不力催五月有餘方詳該撫題叅不合應將布政司黃性震照例罰  
俸一年奉

上依議

留戀原任地方各官失察處分

康熙二十八年七月刑部疏革職大學士余國柱留戀原任地方一案失察各官交與吏部議應將江寧縣降調知縣葉永清照例于補官日罰俸六個月署江寧縣事句容縣丞劉質署江寧府事同知今陞本府知府趙世顯均照例于見任內各罰俸六個月署江常鎮道專鎮江知府王燕照例于見任內罰俸三個月奉

旨依議

掣簽後捏報治喪規避遠缺者永不叙用

雍正元年四月吏部查得雜職官員每逢掣簽之後掣得僻遠之缺者卽捏稱治喪規避不往希圖假滿另補別缺以致邊缺久懸今有四川江安縣典史朱青塾於康熙六十年十月選授至六十一年三月初九日據順天府尹呈報該員治喪到部於雍正元年二月初十日起復前來查朱青塾于六十年十月分掣簽四川江安縣典史湮至次年三月內始行呈報治喪四月有餘並不領差赴任明係捏報以圖規避應將原選江安縣典史朱青塾照規避例革職外嗣後請將雜職官員掣得邊缺後捏報治喪者永不叙用庶規避之弊可絕而邊缺不致久懸其丁憂者仍照舊例遵行奉

旨依議

陞員不候部文離任

康熙三十二年五月吏部議廣東省捐納順德縣知縣時應泰等不候部文卽令離任除總督已經革職布政病故無庸議外查定例陞任官員不候文憑卽行離任將本官降二級調用督撫罰俸一年等語時應泰等援例捐納不候部文卽行離任不合應照此例各降二級調用原任巡撫將時應泰等不候部文行令離任亦照此例于補官日罰俸一年道府各官無詳請三員離任之處無庸議奉

旨依議

五揭革職之員勒令回籍

康熙三十五年九月刑部據廣督石文晟咨稱遊擊張汝賢係革職免其提問之官但籍隸陝西非屬四川奉天可比應否照解任休致等官免其驅逐之例聽其自便等因查定例革職官員仍令回籍等語今張汝賢係與總兵官韓佐周五揭革職之員不便留住任在粵應移咨該督照限勒令回籍仍將起程日期報部



革職官員回籍逾限

康熙三十五年六月刑部准吏部咨稱原任廣東英德縣革職知縣劉洛中回籍違限應照例杖一百原係職官照例折贖奉

旨依議

奉天舉人回原籍葬母免議

康熙三十八年七月吏部覆福督郭世隆題奉天中式文舉人呂師時帶子呂遠烈來至餘姚縣住居本家殯葬母柩今帶子前回奉天所有容留文職餘姚縣知縣章鍾藻等應題叅再查舉人呂師時携子至餘姚縣伊家口是否回到奉天并會否告假或私自潛回浙省之處應移咨奉天查明再議奉

旨呂師時因殯葬伊母赴浙卽回這議處行查俱着寬免

康熙三十年六月吏部覆浙撫張鵬翮疏稱旗員夏時盛脫逃處州府同知夏宗堯未奉通緝之前以叔姪私情將夏時盛留宿又止兵護送答固難辭但後奉通緝之部文當將留宿情由開明本府等因查定例應歸旂人員該管州縣官不速催起程容留一人者降一級留任等語應將處州府同知夏宗堯照此例降一級留任

叔姪私情容留旗員

康熙三十年六月吏部覆浙撫張鵬翮疏稱旗員夏時盛脫逃處州府同知夏宗堯未奉通緝之前以叔姪私情將夏時盛留宿又止兵護送答固難辭但後奉通緝之部文當將留宿情由開明本府等因查定例應歸旂人員該管州縣官不速催起程容留一人者降一級留任等語應將處州府同知夏宗堯照此例降一級留任



歸旂逾限縣府等處分

康熙三十二年六月吏部覆福撫卞永譽疏原任永福縣知縣董  
歸旂之限已逾始據該府詳報該員患病難以起程所有不依限歸  
旂併借端容留居住之董 等應題叅等因應將借端患病之董  
照例革職交與刑部治罪容留居住之署永福縣事福州府通判蔣  
于見任內降一級留任不同城知府石 罰俸一年此案武職并  
督撫提鎮道官例有處分應行該撫題叅再議奉

旨依議

歸旗違限有因

康熙三十六年五月吏部覆川撫于養志咨查丁憂知縣馬騰雲係歸旗丁憂之員往廣東扶伊父之柩不行報明川撫擅往廣東已違歸旗之限但馬騰雲身為人子往廣東扶伊父之柩與無故逗遛別處者不同若照歸旗官員例議處似屬太過查定例內進士領文赴考中書乃不赴部私回原籍不呈詳該地方官罰俸一年等語應將

旨依議

鄂都縣丁憂知縣馬騰雲照此例于補官日罰俸一年奉

旂人解部不請咨議處

雍正五年十月刑部覆原任山東運使羅正家口回京署歷城縣事德平縣知縣袁聖裔並不請咨罰俸九個月奉

旨依議

不候給咨回旗

康熙三十年五月吏部覆福撫卞永譽題原任長泰縣丁憂知縣卞廷棟不候給咨竟自回旗查定例內官員押運漕糧不俟交完未經掣批私自回任者罰俸一年長泰縣知縣應照此例罰俸一年奉

旨依議

旗員家口回籍不報起程日期

康熙三十年閏七月吏部覆川撫噶爾圖疏稱長寧縣知縣沈廷相病故屢催伊子沈龍歸旗前署縣事叙州府通判李士徵任其順流而行不行請咨不報起程應題叅等因應將李士徵照例于現任內罰俸一年奉

旨依議

申報歸旗日期互異

康熙三十年閏七月吏部覆江督傅臘塔疏稱原任山陽縣知縣朱文瑞歸旗日期先後互異准部咨查控報之官題參據布按會詳朱文瑞先報于九月二十六日起行該縣卽照來文申報後又因查筭經手錢糧復染病症是以至十月二十五日起行所有舛報起程各官應指叅查定例內官員一應批廻未領稱爲已領未發稱爲已發者俱罰俸一年等語應將山陽縣知縣朱文瑞淮安府降調知府單務致均照例各罰俸一年奉

旨依議

官員回籍後又差家人往出仕地方生事

康熙五十七年閏八月吏部議得雲撫甘 疏稱原任賓川州丁憂知州周鉞久經回籍差遣家人巴圖至州索銀據府州拏獲巴圖審係厄魯德詳請解部入官等因查周鉞收用厄魯德爲家人事屬違禁且離任之後復差人于原做官地方索銀並無文約爲據殊屬滋擾除將巴圖解部外相應題叅等因前來查定例丁憂回籍官員在地方生事等情發覺將本官革職等語查周鉞將違禁收用之厄魯德差往原做官地方索銀滋擾應將原任賓川州丁憂知州周鉞照此例革職又定例厄魯德不許漢軍民人買若違禁買者係官降一級調用將人入官等語周鉞已于此案革職其違禁買人之處毋庸議再該撫疏稱周鉞違禁收用厄魯德爲家人將巴圖解刑部入官等語應聽刑部審明入官可也

降調官不許署印

康熙四十四年六月吏部議宿桃中河丁憂通判華增英交代遲延一案查定例降調官員令署印者司道府各降一級調用督撫各罰俸一年等語今該督並不將現任官員委署乃以降調通判孫令其署印殊屬違例應行令該督將委署各官職名查叅再議奉  
旨依議

不速詳委署員

康熙三十九年十月吏部議江撫宋犖疏上饒知縣金世福先因兵  
米未完革職今遵部行將不速詳委署員各職名題叅等因應將署  
司事驛蓋道線一信照例罰俸六個月奉  
旨依議



詳委不受事

康熙二十八年三月吏部議江撫洪之傑疏徐州知州奉文降調委  
蕭縣知縣張勉署理張勉既奉詳委不卽受事改委以致稽遲等因  
應將張勉照例罰俸一年奉

古依議

三年不交代

康熙三十年十二月吏部覆安撫江有良題查署靈壁縣事鄭鶴原  
任靈壁縣知縣劉振儒將革職知縣梁偉任內未清站銀三年有餘  
不行出結受代不便照兩月之例議處應將鄭鶴劉振儒均革職知  
府亦不便照督催之例議處應將署府事通判王國貞接府事知府  
楊緒爵均照狗庇例降三級調用該撫司道官遲至三年有餘不行  
查出題叅不合應移咨該撫將職名題叅到日再議可也奉

古依議

交代混詳

康熙三十六年七月吏部覆晉撫倭倫題陽曲縣革職知縣錢啓後任內錢糧新任知縣唐廉到任兩月之限已逾以錢令貯倉米豆不敢擅自查盤朦混具詳並無交代冊結申報題叅前來查定例官員交代遲延者罰俸一年等語今該撫將知縣唐廉以貯倉米豆不敢擅自查盤朦混具詳並無交代冊結申報題叅不便照此例議查定例內官員應行完結之錢糧不行分晰明白混行造冊降一級調用等語應將唐廉照此例降一級調用太原府知府孫毓璘仍應照上司督催不力例罰俸六個月奉

旨依議

陞員錢糧未清該管官混出印結

康熙二十四年八月吏部議安撫薛柱斗疏繁昌縣荻港驛驛丞陳宋陞河南伊陽縣典史原任內既有奉委採買河工石塊未完并透領水脚銀兩未清該府縣不清查申明反出具並無未完錢糧印結應將繁昌縣知縣李臨太平府知府吳延壽均照例各降一級調用驛丞陳宋照例革職奉

旨依議

交盤出結後復查出虧空

康熙二十八年八月吏部議陝西長武縣陞任知縣孟時芬任內節年未完扣裁等銀行該撫將是侵是那審明具題至新任知縣金人望雖查出申報但從前不行確查出結不合查定例錢糧不行分晰明白混行造冊之府州縣各官降一級調用等語應將金人望照此例降一級調用奉

旨依議

交盤不解經承卷結

康熙三十年二月吏部議楚撫吳典疏監利縣革職知縣趙珥一案應提集新舊二官着令經承帶同卷宗覲面清筭方知有無那欠該縣知縣藐抗不前將應質經承餘詞不解卷宗印結抗不早賚等情查定例官員不起解侵欺抗糧人犯者降一級調用等語應將知縣傳澤浩照此例降一級調用奉

旨依議

康熙三十九年十一月吏部覆戶科張濬疏李亨時係現任湖廣常德府同知解餉來京將近一載今捐陞知府逗遛在京據亨時雖供修理永定河情愿捐資急公交宗銀兩工部給照患病報明坊官等語看得李亨時非久病之人明係托病取結查定例內違例各官實無事故捏稱中途患病者該督撫題奏或傍人出首俱照文憑違限例處分出結官罰俸一年違限例內回任官員違限四個月以上者降二級調用等語李亨時理應照此例議處但李亨時係職官解餉來京並不回任所在京久居應將李亨時有加級不准抵銷降二級調用出結比城兵馬司吏目甯文秀照例罰俸一年奉

奉差到京久住

康熙三十九年十一月吏部覆戶科張濬疏李亨時係現任湖廣常德府同知解餉來京將近一載今捐陞知府逗遛在京據亨時雖供修理永定河情愿捐資急公交宗銀兩工部給照患病報明坊官等語看得李亨時非久病之人明係托病取結查定例內違例各官實無事故捏稱中途患病者該督撫題奏或傍人出首俱照文憑違限例處分出結官罰俸一年違限例內回任官員違限四個月以上者降二級調用等語李亨時理應照此例議處但李亨時係職官解餉來京並不回任所在京久居應將李亨時有加級不准抵銷降二級調用出結比城兵馬司吏目甯文秀照例罰俸一年奉

旨依議

赴任官員縱僕沿途生事

康熙三十二年十一月吏部議覆浙撫張鵬翮疏新選廣東潮州府同知申奇貴往粵赴任路經蘭溪縣地方哈什哈等強搶葉義聚行內布疋以拳石將閩客鄭顯官攢毆傷重殞命哈什哈等係旗人不便刑訊請將申奇貴

勅部嚴加議處等因應將潮州府同知申奇貴照例降一級留任哈什哈等移咨刑部轉行該撫留浙審擬

官衙婦女潛逃

康熙三十九年五月吏部議得河撫李國亮疏稱布政司佟 妾下  
 本年三月初九日私奔外出至次日尋獲以致士民傳笑自當特疏  
 題叅等因前來查此案雖非縱容家僕出入衙門結党衙役干預民  
 事之事又無房內婦女潛逃處分正例但布政司佟世雍不預為防  
 範以致房內婦女潛逃不合應將布政司佟世雍降三級調用奉  
 旨佟世雍着以原品致仕

無故不朝叅公座

旗員請假修理墳墓逾限

康熙四十六年七月兵部議二等阿思哈呢哈番線 告假修理伊  
 祖父墳墓因病逾限不曾要州縣用印保結文書查定例旗下官員  
 請假遷葬及修理墳墓此等官員違限一年以上者降一級如有所  
 去之地方及道路果有患病阻滯情由者取將軍城守尉及府州縣  
 印結本身帶來如無將軍城守尉府州縣印結仍照例議處等語線  
 應降一級奉

旨依議

題請病痊起用之員仍留該省調理

雍正十三年六月奉

旨向來外任官員告病者卽行休致無病痊復用之例朕從愛惜人材起見特降諭旨准各省督撫酌量若屬員內居官素優而患病是實者於告病本中聲明將來病痊仍行引見補用此朕體恤成全之大恩也近於引見之時見起用各員本無大恙調治未久卽赴部銓補者甚多則本來患病之不實顯然矣又有借名告病而巧爲規避者或因繼起有人囊橐豐厚冀娛晚景或因民俗刁悍地方繁劇慮及考成其該管上司但見屬員不戀官職遂爾代題而不覺受巧官之欺朦也今且言一二人如原任福建漳州府知府王之琦同知王時翔等皆因地方繁難而托詞告休者本皆精神強健並非實病得請之後讌樂歡遊朕知之最確似此者各省不可枚舉今元展成題請平越府知府朱東啟告假

回籍調理俟病痊起用一疏明係該員畏懼苗疆而爲此規避之計朱  
東啟着解任仍留黔省調理俟病痊之日自驗送部引見將來凡有似  
此告病該督撫題請病痊起用者俱著留於該省調理不准回籍俟病  
痊之日該督送部引見若永遠告休不請起用者該督撫司道必察其  
患病果實一時難痊或年老力衰不能辦事然後照例申詳題達倘受  
屬員之欺朦或徇平日之情面仍蹈從前徇情之故輒經朕訪聞必將  
該上司從重議處 又雍正十三年七月兵部奏臣等伏思武職各官  
均有操練弓馬稽查盜賊之責倘有不肖員弁本無大病或因地方  
繁難或因盜案處分巧爲規避致該管上司受其欺朦代題回籍調  
理希圖安逸亦未可定其武職告病應否亦同文職之例遵照欽奉  
諭旨一體辦理通行各該督撫照例遵行奉  
硃批照文員一例通行

營弁病愈起復

雍正十一年二月兵部議覆廣督鄂 次原任肇慶協右營千總李  
祥鳳病愈起復一案查守備遊擊等官奉

旨照文職之例于告病之時該督撫看其居官尙好卽于本內聲明病痊  
之後赴部引見候

旨補用欽遵在案惟千總無病愈起復之例請嗣後于把告休之時除平  
常供職者仍照舊例不起用外其有居官好人材尙可驅策者令該  
督撫提鎮確寔詳查委員親驗加具印結並將居官漢仗如何之處  
于文內聲明准其回籍調治病愈之日該督撫提鎮據寔驗看報部  
准其補用尙有規避假捏情弊發覺除本員革職治罪外將出結之  
該管官并查驗之員照徇庇例議處不行詳查遽行轉報之該管上  
司照不行詳查例議處奉



旨所奏是着照議行

座

外官病故地方官失報

康熙二十八年四月吏部覆福撫張疏稱張井宿新受延平府大田縣訓導今據布政使詳稱張井宿已于康熙二十四年病故家屬彼時卽具報到縣原任知縣張宗周失于報明是以無憑轉詳咨部扣選等因前來應將海澄縣降調知縣張宗周照例子補官日罰俸一年接署海澄縣事按察司照磨魏現任知縣胡漳州府知府汪均未據有具呈均不知情應照例免議奉

旨依議

投誠旂員身故無嗣妻氏扶櫬回籍

康熙四十三年十月戶部議洪氏叩

聞狀稱我亡夫陳夢球自臺灣歸化中進士蒙

恩特授編修不幸病故又無子嗣臣妾舉目無靠尚有生身老母乞抱夫

骸回籍安葬等因查一應投誠歸并旂下者病故後無骸骨發往原

籍之例各省駐防旂下寡婦俱每年送至京城且陳夢球之妻洪氏

有房十三間男婦十一名口陳夢球親姪陳還現在旂下應將洪氏

所請抱夫骸回籍依親之處無庸議交與陳還看養可也奉

旨洪氏既無子嗣又無人膳養著扶伊夫櫬回原籍

例前告病休致之員後照呈悞人員例捐復

雍正十二年十月戶部題伏查雍正五年十一月初六日奉

上諭定例凡在京各部院官因病告假回籍調理者病痊之日仍以原銜  
開補用至在外各官一經告病卽令休致所以防不肖有司之托病規  
避也但外官有地方之責果係患病不能辦理事務自應呈請離任病  
痊之日雖有才具優長之員格於成例不得起用殊爲可惜從前府縣  
官員告病者朕降旨調來引見其才尚可用命醫調治痊可卽行補用  
誠以人才難得雖片長薄技不忍棄置嗣後外官告病督撫查明確實  
具題令其回籍調治痊可有情願起用者於本籍起文赴部引見仍以  
原缺補用如此則可以杜規避之端而人材亦不致淪棄矣欽此欽遵  
在案今於雍正十二年九月二十四日據告病休致知縣田三才呈  
稱切才現年五十四歲係直隸深州歲貢於康熙六十一年二月內

選授廣西桂林府灌陽縣知縣雍正元年在戶部遵例捐知州卽用  
 在任候陞雍正二年十月內因染濕潮兩腿腫痛步履維艱詳請告  
 病休致任內並無降罰未完事件今才回籍調養痊愈正直年力強  
 富之時每思報効奈係在定例以前不得一體邀

恩情愿遵例照呈誤知州捐運糧銀三千五百兩請准以原官知州補用  
 再照例內由候補知州捐運糧銀二千四百兩准以同知卽用等情  
 臣部現今奏准預籌糧運事例內凡呈誤革職官員准其捐復其告  
 病休致人員並未議有捐復之條查田三才係雍正二年告病休致  
 在雍正五年十一月未奉

恩旨以前今據具呈籲懇情愿照呈誤人員例捐復原官補用似與呈誤  
 革職者有間應否准其一體捐復之處恭候

聖鑒如蒙

俞允嗣後凡在雍正五年十一月以前田告告林員弁具呈捐復者均照

此例辦理奉

旨准其捐復

八

五

五

休致官員俸銀以部文到日住支

雍正十一年十一月戶部咨准安撫徐 咨稱貴池縣前任縣丞張  
鈺奉差公出中途患病請休續于雍正十一年三月初八日准到部  
咨准其休致在案所有該員俸銀似應卽于奉文休致之日住支相  
應咨達等因前來應令該撫將該員俸銀以奉到部文之日住支仍  
造入該年奏銷冊內報部可也

吏部定

職制

八

無文不明

引見未滿三年人員不必送部引見

雍正六年二月奉

旨此內陳弼係引見未滿三年之員該督因擬正陪復送引見未免往返  
跋涉嗣後各省保題人員引見未滿三年者即奉特旨題補亦不必送  
部引見止將該員已經引見緣由于本內聲明其引見已滿三年者仍  
照例送部引見

引 見心出考語不得過優

乾隆八年八月吏部將湖北大冶縣降調知縣朱繼序帶領引

見奉

自朱繼序看來才力不及著以教職用巡撫范璨將該員出具考語謂其  
居官謹飭尚可若云辦事勤勉有志向上實與該員不符朱繼序係浙  
江人范璨未免有瞻顧同鄉之意着飭行近來各省督撫凡遇降革送  
部引見之員其所出考語大率過優止知博一人之感悅而不計該員  
之可用與否此風亦不可長可將此並諭各省督撫知之

擅勾屬官

城守官員傳去城空

康熙二十九年 月吏部覆甘撫伊 題謝恩擁死禁卒脫逃查取  
疎縱職名該縣典史張 知縣汪 係署府事通判張 飭調相繼  
公出一案應將伏差知縣典史均照例免其處分仍限一年督緝又  
查定例官員因公事將城守倉獄事務交與不應交之人而去者罰  
俸一年如上司將城守官員不輪流傳換盡行傳去以致城空者罰  
俸一年等語應將知縣典史均照例罰俸一年署府事張 亦照例  
罰俸一年

成案實記

卷二 職制

擅勾屬員

康熙三十四年三月刑部覆直撫郭世隆疏稱原泰大名道陳世安  
曾經叅劾他人之人自己所為不肖似此言清行濁不便照常例應  
擬杖流等因前來相應將陳世安流三千里到配所不准折贖決責  
四十板奉  
旨依議

姦黨

言清行濁

康熙三十四年三月刑部覆直撫郭世隆疏稱原泰大名道陳世安  
曾經叅劾他人之人自己所為不肖似此言清行濁不便照常例應  
擬杖流等因前來相應將陳世安流三千里到配所不准折贖決責  
四十板奉  
旨依議

旨依議




巡撫病故被叅之員交相慶幸

雍正七年三月刑部會看得阿 官達方願瑛楊以寧演戲開筵置酒稱慶一案據通政司通政使留 等疏稱訊據阿 供我于雍正六年七月初二日到廣東在桂香街住官達方願瑛楊以寧都來見過八月初一日搬過旗下地方居住方願瑛來留他吃飯是實我不該接見他們也不該待方願瑛的飯總是我昏憤不堪罪無可辯等語據官達供阿 從廣西來犯官去照他隔幾日他來拜犯官但犯官是獲罪的人往阿 處稟候答拜這是犯官的罪等語據方願瑛供阿 從廣西來犯官去過遲了幾日阿 來答拜八月內又到阿 處留犯官喫飯是實據楊以寧供阿 住在桂香街原是舊上司一時愚昧僱轎前去稟候是犯官該死等語查阿 官達方願瑛楊以寧俱係前撫 楊 先後糾叅審訊之人乃楊 于雍正六年七月

初四日病故之後輒行往來拜望轎馬公行雖演戲開筵未經承認而于大臣甫故之頃藐視法紀出入無忌則其懷挾私怨交相慶幸形跡昭然查阿 因勒詐外國銀兩依風憲官吏枉法贓律擬絞今應于本案加倍治罪擬斬係旂人解部監候方願瑛身為臬司專任提刑不思秉公執法惟知逢迎賣法已屬不法復敢懷挾私怨以大 臣之摧折為幸與阿 時相往來飲食聚會私相應幸是從前阿 官達之結黨傾陷方願瑛實有陰謀主使伴作不知以圖立身事外情弊顯然查懷挾私怨慶幸大臣身故律無正條方願瑛應加倍比照在朝官員交結朋黨律擬斬監候等因具題查阿 于勒詐外國銀兩案內經該通政使留 等擬以絞罪具題臣部等衙門欽遵諭旨加倍治罪擬斬監候議覆在案阿 應于彼案完結方願瑛應如通政使留 等所題加倍比照在朝官員交結朋黨律擬斬監候秋後

處決再通政使留 等疏稱楊以寧有被叅虛出糧票又侵盜及霉爛倉穀各案業經審明于彼案加倍治罪另疏具題官達現有被叅貪贓各案俟審明之日再于本罪上加倍定擬等語楊以寧官達應于各案審明加倍定擬具題再通政使等疏稱官達楊以寧均係獲罪應行拘禁之人經督撫檄行羈禁乃該管各官徇情寬縱任其散處所有官達應禁不禁之該管官係署縣事東莞縣知縣周天成楊以寧應禁不禁之該管官係原任番禺縣丁憂知縣馮熾并不行查出之總督孔 相應一并開叅等語查律內死罪人犯應禁不禁杖六十官員犯六十者降一級等語應將應禁不禁之知縣周天成照律于現任內降一級調用馮熾照律于補官日降一級調用查周天成有加一級應銷去加一級抵降一級免其降調查出之總督孔照預先不行查出例罰俸一年奉



旨方願瑛依擬應斬著監候秋後處決孔毓珣著降三級罰俸三年餘依議

院司朋謀陷害

雍正七年五月刑部會看得前任廣東肇高廉羅道今署布政司印務王士俊揭告院司朋謀陷害一案先據廣督孔等疏稱查王士俊揭稱重役李長茂糾合梁誠志等朋充黃江廠典史庫官陳成元代布政司官達勒銀一千二百五十兩之處審據李長茂供我做過肇慶府書辦又改名李傳頂庫吏缺辦事二年後又改名李成秀在黃江廠同典史陳麟章辦事四年有餘上年我又頂充廠吏糾合嚴政梁誠志李琳茂替我借銀約同到廠辦事在縣起送文書到省城向庫官陳成元商量他說布政司官達要一千二百五十兩銀子我就將一千二百五十兩足色銀子交與陳成元轉交等語訊之梁誠志陳成元等供吐相符據官達供李長茂充吏我據高要縣保送轉詳署撫常給劄准充至所得李長茂銀一千二百五十兩係各屬

心紅公費舊規除分繳署撫常 銀二百四十兩署督阿 銀二百四十兩外餘充本衙門紙張公費有底冊可查我到任來所得公費銀兩除用去下剩銀一千五百兩并署督阿 發回銀二百四十兩俱現存在庫等語訊據該司經承陸賢等供稱黃江廠吏缺冊內向有督撫衙門心紅銀二百兩本衙門公費銀二百兩今官達叫我多開數目等語據陳成元供官達所得李長茂心紅銀一千二百五十兩係我繳進內衙至兩司會審時官達因數目太多與舊規不合叫我減供作六百兩等語是官達分外婪贓不能置辨又王士俊揭稱署撫阿 以官達犯贓之案仍批官達審理之處審據官達供王士俊將李長茂通詳署撫阿 批我審究我因不便自審將原詳繳回隨又批按察司會審等語查署撫阿 雍正五年七月二十九日知照王士俊印信牌文止批云 政司審理又臬司方願瑛八月十一

日稔會王士俊印信關文內稱七月二十五日奉到署撫批詳仰按察司會同布政司確審等因查阿 原批詳文現係挖補是阿 於八月初九日王士俊詳請改員後將原發批詳掣回改批是實又王士俊揭稱因詳請改員阿 授意方願瑛力勸銷釋王士俊再三拒絕方願瑛忿忿而去之處審據方願瑛供上年八月初八日王士俊來拜我初九日我去答拜王士俊將署撫知照取出與我說不該批藩司審理隨云現在詳請改員會審我唯唯一笑而別是相會時王士俊尚未出詳文署撫從何得以授意勸釋等語再四詰訊堅供不易又王士俊揭外詳稱被叅之後方願瑛並不候

旨先拘伊家人朱上峯書役蔣文琬等連審疊夾又令南海縣逼取口供之處審據原任南海縣徐基供我奉按察使方願瑛牌文并諭帖着取各項稅冊王士俊發供三次又據署南海縣事東莞縣知縣周天

成供奉按察司方願瑛牌文取流水底冊王士俊發供一次轉繳等語據方願瑛供稱王士俊被叅我奉署撫行提家人書役追繳廠稅冊檔並無疊夾逼供等語方願瑛查繳稅冊係屬公事且審無疊夾家人書役情事應毋庸議又王士俊詳稱官方兩司差人看守凌虐不許醫生入視之處審據官達供稱這揭後之事不敢混供及訊方願瑛堅不承認質之差役蘇文正等僉供官方二司派撥巡查王士俊寓所二十餘日是實等語官達方願瑛撥役巡查是實訊據醫生唐開運供上年九月十五日南海縣典史韓肇祿對我說王士俊在勞家祠中叫診視我隨到祠門外韓肇祿說你且在此坐我赴司回話來韓肇祿一去不回我候至午候回家等語查典史韓肇祿已經病故無人質對以上情節官達收受重役銀兩知情婪贓方願瑛將官達所得賍銀一千二百五十兩先審作六百兩實屬袒護官達又

將阿 改批會審提提七月二十五日奉到院批其為迎合可知署撫阿 先將王士俊揭報官達之事仍批官達專審後乃挖補原詳改批方願瑛會審其曲庇官達實無可辨應將阿 方願瑛并別案叅革之官達均請

敕部嚴加議處李長茂合依書辦更名重役例杖一百徒三年梁誠志李琳茂嚴政俱合依白役例杖一百照例先行折責發落陳成元已經本案革職無庸議朦混結送李長茂之原任高要縣知縣姜弘卓相應附叅聽候部議等因具題臣部以阿 官達方願瑛等已奉

上諭拏交孔 傳 等嚴審定擬所有各案俱着審明加倍治罪欽遵在案此案官達勒索重役李長茂銀一千二百五十兩經王士俊揭報隨分送常 阿 銀各二百四十兩又囑令陳成元減供銀數復將陋規底冊私自改易貪婪狡詐甚屬不法而原署撫阿 任官達勒

索不行查叅又將官達犯贓之案卽批官達承審范王士俊詳請改員審理始挖補原詳改批按察司方願瑛會審將王士俊詳請改員審理之詳文帶往粵西不行批發方願瑛又迎合阿捏提撫批到司月日且將官達所得贓銀一千二百五十兩審詳六百兩官達之枉法貪贓阿之私徇黨護方願瑛之逢迎開脫均應研訊明確加倍治罪今該督等審題此案尚未訊取阿口供亦未將官達方願瑛嚴審擬罪應令該督孔會同該署撫傅等將官達阿方願瑛嚴行審訊加倍定擬具題到日再議等因題駁去後今據廣督孔等疏稱行提阿官達方願瑛到案臣等親加嚴審王士俊原揭稱重役李長茂等充黃江廠典吏官達勒取規禮銀一千二百五十兩之處前審已據官達供認內除分繳署撫常署督阿各二百四十兩餘留爲伊衙門公費之用今審據稱那心紅公費銀兩原係

常在內衙分繳阿常的銀係七月初一二送的並不是王士俊詳揭後繳送後經離任將任內所得公費一千二百五十兩因內有二院心紅不敢供出故此只供六百兩我並沒有吩咐陳成元們瞞供底冊不過是陋規的賬目並不是報院達部冊子今蒙弔案研審不敢多辨等語查通省吏缺從前陋規雖有心紅公費並未有一千二百五十兩之多今黃江廠吏一缺官達竟收受如許銀兩明係分外勒取後因事露又改易底冊將銀繳庫希圖掩飾其貪贓狡詐實難置辨又王士俊揭稱李長茂重役一案詳奉總督孔發按察司會同王士俊嚴訊惟署撫阿以官達犯贓之案仍批官達審理顯屬袒護之處訊據阿供稱我因吏典係布政司衙門的事故此批布政司查審及見總督批按察司會審我不敢自執已見卽改批按察司會審及詰其詳文掣回挖補改批并官達申繳原詳驗文印刷

到條係雍正五年十月某日到因何把十字用墨筆改作七字倒提月分之處據阿 供稱李長茂一案我要改批按察司會審遣值官達上衙門進見我吩咐教官達繳送原批後補驗文存案我不查叅官達就是徇私袒護等語訊之官達亦供係阿 吩咐繳詳改批是阿 之徇私黨護已據供認不諱又王士俊揭稱因詳請改員嚴訊卽觸阿 之怒授意方願瑛立勸消釋據云若不依撫臺借事叅了你那時有何本事之處訊據方願瑛供稱雍正五年八月初九日我去回看王士俊他留我吃茶就手指門內說現在詳請改員會審我雖未有嚇恐勸釋然彼時有會審案件匆忙中我去回看他不要嫌疑後遲二三日署院阿 就叅了他有何辨處等語與王士俊揭內叙述方願瑛之語若合符節則有嚇恐勸釋情事再訊方願瑛因何將王士俊只審出李長茂繳銀於官達銀一千二百五十兩初次只

審作六百兩後奉駁訊總審係一千二百五十兩又將奉到院批詳日期稱雍正五年七月二十五日後又改稱二十八日而官達原供則係七月二十九日總將原批繳院是二十八日原詳未繳豈有先奉到改批詳文之理據方願瑛供官達得銀一千二百五十兩我先只審出六百兩這就是我開脫官達之處至我知照王士俊之文係寫七月二十五日奉到批詳後申覆兩院又錯開二十八日今蒙查案嚴審是二十九日傍晚奉到這兩次錯亂倒提日期就是我逢迎之處等語是方願瑛之逢迎開脫情事甚明又王士俊揭外詳稱伊被叅摘印後官達方願瑛違例差人管守寓所百般凌虐斷絕衣食病中不許醫生入視希圖致死滅口之處雖前審官達稱係揭後之事不敢混供方願瑛亦稱並無其事但詰據兩司差役蘇文正等並南海縣差役等已經供明二司俱有撥役巡查是衆証明白則王士

俊所稱斷絕衣食不容請醫等事亦非無因以上情節臣等嚴行覆訊已無遁情查阿 官達方願瑛皆沐

皇上殊恩用至大員自當持廉秉正執法杜私乃官達勒取重役李長茂  
賍銀一千二百五十兩被王士俊詳揭阿 明知袒護不行查叅先  
則批令官達自審續則諭令繳詳改批倒判驗文月分並將王士俊  
借事題叅又將王士俊詳請改員承審原文帶往廣西希圖滅跡而  
方願瑛亦從中播弄勸令王士俊銷釋置身事外不將官達賍數審  
出故為開脫復迎合阿 捏提奉到批文日期種種裝飾且又撥人  
協同縣役看守王士俊寓所明係阿 官達方願瑛三人平日交相  
黨護徇私曲法官達除犯枉法賍絞罪不議外阿 官達方願瑛應  
加倍定擬均比照在朝官員交結朋黨律擬斬監候至王士俊揭外  
詳稱被叅之後方願瑛並不候

旨先拘家人書役連審疊夾又令南海縣逼取口供煨煉成獄一節前經  
審明方願瑛奉署撫查繳稅冊諭令南海縣往取係屬公事且審無  
疊夾情事應毋庸議李長茂等前審已據供明應仍照原擬等因具  
題應如該督等所題阿 官達方願瑛均應比照在朝官員交結朋  
黨律擬斬監候秋後處決查阿 官達方願瑛先於楊文乾病故為  
快往來稱慶案內各擬斬監候秋後處決在案阿 係旗人官達係  
包衣下人均照例解部監候該督等既稱王士俊揭外詳稱被叅之  
後方願瑛並不候

旨先拘家人書役連審疊夾令南海縣逼取口供煨煉成獄一節前經審  
明方願瑛奉署撫查繳稅冊諭令南海縣往取係屬公事且審無疊  
夾情事等語應毋庸議李長茂應照書辦更名重役杖徒例徒三年  
至配所杖一百折責四十板徒限年滿之日回籍飭令該地方官嚴



行管束不許出境該督等既稱梁誠志李琳茂嚴政照白役例杖一百折責四十板已經發落應毋庸議其常 名下所得銀二百四十兩應令該督照數追出與官達名下貯庫銀一千五百兩阿 發貯庫銀二百四十兩一併留充兵餉再該督等疏稱陳成元已經本案革職又於另叅官達婪贓案內擬流應於彼案從重歸結等語陳成元應於彼案從重歸結再該督等疏稱嗣後各衙門吏攢充役一應心紅陋規無論多寡永行革除其朦混結送李長茂之原任高要縣姜弘焯及從前不將陋例禁革總督孔 前任巡撫楊 各職名經於原疏內開叅應仍請

旨一併交部察議等語查定例混給人役印結復入衙門者革職又定例督撫各衙門收用陋規縱容屬員科斂者均照私派錢糧不行查叅例降五級調用等語除巡撫楊 病故不議外應將朦混結送

要縣姜弘焯照例革職不將陋例禁革之總督孔 降五級調用查

孔 有加九級應銷去五級免其調用奉

旨依議孔毓珣着銷去五級抵降五級免其調用其朦混出結之姜弘焯俟任內事件交代清楚後該督撫將伊居官如何之處出具考語送部引見

交結近侍官員

官員寄書與惡棍比照問候在京大臣例革職

康熙三十年閏七月吏部等衙門准內務府咨開康熙三十年閏七月十七日奉

旨巴蘭著卽處斬夏松恂張豹田介張國泰俱依擬應絞著監候秋後處決田啟光著革職餘依議計粘單一紙會議得順德府知府魯僖將奉

旨嚴審人犯徐國柱係伊姪魯玉家人部令解送不加肘鎖散縱脫逃客部文內謊稱已加肘鎖又與巴蘭往來寄書除魯僖僉差不慎輕罪不議外查定例內總督巡撫司道官自任所差人問候在京大臣革職等語知府魯僖與惡棍巴蘭往來自任所差家人寄書違問應比照此例革職奉

旨依議

成案質疑

卷二

成案質疑

公式

講讀律令

混題改例處分

恭繳 硃批奏摺

恭繳 硃批奏摺

封疆大臣不便遠出

棄毀制書印信

訓旨遺失毀壞奏明補給

勅命被火燒燬重給

武林洪弘緒 臯山甫  
同輯  
繡谷饒 瀚 敦夫甫

成案質疑

卷三 公式

勅書損壞

勅書被焚免議

新頒印信關防質粗體重

印信被家人藏匿謊報覆舟沉溺後經尋獲仍擬罪

覆舟失印

道員擅自交印追送不收

上書奏事犯諱

本章違式

聖諱同名之官員取結咨部更改

親王名諱全同者應酌改

本內不許用福林二字

本內錯誤忌辰

賞賜書籍分別用本謝 恩

本內共寫官銜

題本內官員不列名

叅本貼黃未寫姓名

本內無貼黃

蒙古字樣不得更寫夷人

奏摺言語糊塗

事應奏不奏

署撫應自陳

民有瘟疫不報

命案不具題私自擅專完結

停止代題謝 恩

題奏不得以接閱邸抄為據

官文書稽程

承審命案遲延

承審命案遲延

題奏命案遲延叙明致死月日緣由

奉部發審之案仍照命案以本處首告日扣限審結

命案雖奉部咨仍以要証到案之日扣限

會審以要犯到案之日扣限

命案以犯証俱齊扣限

准咨革街日扣限

命案奏後准咨仍扣六個月

承審命案復奏遲延

易結不結縣府並奏

易結不結縣府並奏營員抗不解犯一併查奏

承審盜案逾限

盜犯以發審之日扣限

首盜到案日扣限審結

承審盜案以賊犯解到之日扣限 另有新例減出

盜案以賊犯到齊之日起限

承審盜案以部覆無要犯之咨到日起限

盜案准咨革監日扣限

隔省關取盜犯口供咨部展限

事主認贓未確咨部展限

臨限盜犯患病咨部展限

續獲盜犯展限四個月審結

二限不結聲明難結緣由咨部展限

二限不結聲明難結緣由咨部展限

二限不結聲明難結緣由咨部展限

二限不結咨請展限部議不准

再限內案已題結准開復

隔省提人病故卽以病故之文到日起限

承審遲延

承審欽部件知府遲延

承審重案遲延

會審案件以會審之日扣限

承審承追分別扣除封印

詞訟不結上司不查

交盤不明不叅署印等官

交盤遲延

交代限期止餘兩日新官到任另行起限

奉委會審之後赴省以回縣會審扣限

承審虧空覆叅遲延革職

二叅展咨

委審虧空奉文日起限

承追官庫銀逾限年餘不照初叅例

知府不查詳職名

行提人犯多次不解

行提人犯不解照狗庇例

造送大計冊結遲延知府降級

承審欽部件臬司遲延

規避不審遲延

推諉不審

承審遲延有因

展限外不許扣除轉文文行日期

不領新印

同僚代判署文案

給空日申文自行填寫

增減官文書

給旂員執照

漏使印信

失察偷用印信

摺封悞鈐印信并請送

梓官遲延

成案質疑

武林洪引緒 隄山甫  
同輯  
鏞谷饒 翰敦夫甫

公式

講讀律令

混題改例處分

康熙 年 月 吏部議得工部具題谷稱先經原任

盛京工部侍郎白 等因遼陽州所得之鉛甚少改于西錦州大碑嶺  
等處創取等因具題准行在案今侍郎席爾音以西錦州大碑嶺等  
處創鉛離官丁所居之處九百餘里馳送艱難又悞田禾仍在遼陽  
州尋創等因具題查大碑嶺等處未經創取之前鉛斤不足應用仍  
在京城領取添用自改在大碑嶺創鉛以來將及十年並未在京城



取用且有多得鉛斤于火器兵丁應用鉛子內添用今侍郎席爾肯  
並不思事之有無裨益將遵行已久之事紛擾托辭題改其屬不合  
將侍郎席爾肯等交與該部議處等因前來應將侍郎席爾肯降五  
級調用查有加三級應銷去加三級抵降三級仍降二級調用再此  
案有名之吳哥馬爾賽俱係堂主事查三十三年六月內折毀  
盛京運米船隻議處原任侍郎星 等案內將堂主事顧泰因係磨對  
本章並非議事之員應無庸議等因具題免議在案此創鉛事情主  
事吳哥馬爾賽會否與議並未聲明不便遽免議相應移咨  
盛京工部創鉛事情吳哥馬爾賽會否與議之處查明到日再議可也  
奉

旨席爾肯着降二級調用餘依議

恭繳 硃批奏摺

乾隆三年三月兵部奏據原任陝西興漢總兵官張傑嫡孫張鈞具  
呈恭繳伊祖任內奉到

御批三扣前來查張傑係陝西人原任陝西興漢總兵官于乾隆元年二  
月內病故今伊嫡孫張鈞既稱伊父張良弼現任長福營叅將具呈  
懇祈福督轉奏福督以陝西事件聞省無案可查不便具奏是以遣  
鈞赴京具呈恭繳

御批懇祈轉奏等情謹將張鈞所繳

御批三摺理合繕摺恭繳并請嗣後提鎮本身病故任內有應繳

御批如伊子孫隨任者即于原任省分就近督撫提鎮代為恭繳如係子  
孫有在他省者即將伊祖父應繳

硃批呈送現在省分就近督撫提鎮代為恭繳如此庶免伊等程途往返

之繁奉

旨知道了

恭繳 硃批奏摺

乾隆四年十一月吏部奏准署廣撫王 咨稱據原任廣東布政使  
才承祖長子甲午科副榜才祿呈稱切祿父才承祖原任布政使恭  
進奏摺五件奉有

硃批未經費繳理合呈送轉繳等情咨送前來查乾隆三年三月兵部奏  
請嗣後提鎮本身病故在內應繳

硃批如伊子孫隨任者即於原任省分就近督撫提鎮代為恭繳如伊子  
孫有在他省者即將伊祖父應繳硃批呈送現在省分就近督撫提  
鎮代為恭繳等因奉

旨知道了欽遵在案今廣撫王 咨送原任布政使才承祖  
硃批五件俱未密封竊思  
硃批事件關係緊要此等身故官員有應繳

硃批事件既令就近交與督撫提鎮在督撫等以事關進

呈於本人交送之時必須親加檢閱及由該督撫咨送臣部轉交因並未密封凡經手官吏人等俱得閱看殊非慎密之意且文移往還必由提塘遞送倘有緊要機密事件尤難免洩陋之虞應請嗣後現任官員本身病故如有應繳

硃批事件悉照兵部原奏令其子孫就近親身呈送該督撫查明即行封固代為奏請恭繳毋庸再行咨送臣部永着為例至原任廣東布政使刁任內所奉

硃批摺奏五件既據該撫咨送到部相應一併恭繳為此謹奏奉旨知道了

封疆大臣不便遠出

雍正十三年三月

上諭朕前差遣大臣前往古州等處宣諭苗民並未令巡撫提督親歷苗疆之諭茲據元展成哈元生摺奏始知伊二人會同前往甚屬錯誤因命大學士等查明錯誤緣由據稱前頒諭旨內有特遣大臣會同該省文武大員前往宣諭字樣大學士等議摺內會奏稱賞賚物件應令元展成就近買辦俟欵差大臣到日會同巡撫提督分別等次賞給並未議巡撫提督一同親往等語朕諭內所言該省文武大員者不過指副叅道府而言並未為該省之撫提也朕前欲令元展成哈元生親身前往自然指名宣諭豈有既差在京大臣而又重差巡撫提督之理既差撫提又何必遠差京員耶至於大學士議摺內所言會同巡撫提督者乃欲欵差會同撫提分別賞賚等次亦並非令會同撫提親赴古州

也或在文意含糊近於疑似元展成哈元生亦應將應否同往古州之處具奏請旨乃並不陳奏遽然前往以撫提封疆大臣而輕舉妄動如此甚屬不合可嚴行申飭嗣後於一應事件尚有文意不明之處可將情由請旨然後舉行

乘毀制書印信

訓旨遺失毀壞奏明補給

雍正二年九月吏部覆旨撫諾

疏稱河東運判王令德護理運司

任內將雍正元年四月十六日

欽頒運司

上諭並未查收交代相應題奏奉

旨王令德著免察議此不過朕之訓飭諭旨無甚關碍嗣後朕之訓旨或致遺失水濕染污毀壞該督撫提鎮行文內閣奏明給與不必題奏該部知道欽此相應行令直省各督撫遵照可也

勅命被火燒毀重給

康熙七年 月吏部議備撫周 題原任湖廣道銜史彭之鳳恭邁

董恩題封查實錄開裁凡領過

誥勅偶被水火盜賊燬失者覆題准與重給今彭之鳳

勅命被火燒燬應請補給前來相應揭送內院擬給奉

旨依議

勅書損壞

康熙二十八年八月廿撫伊圖疏涼莊道

勅書內前邊裂縫寸許踈忽之咎難寬吏部議應將護理涼莊道事涼州

同知吳 照例罰俸六個月

敕書被焚免議

康熙四十六年九月兵部議江撫郎廷極疏江西都司傳

敕一道被火焚燒署都司事係饒州府通判趙繼普應否議處等因查定

例官員

誥敕被水火盜賊燬失者俱屬不測之事若處分似屬可憫嗣後如此等

情由果真俱應免議等語應將趙繼普免議

敕書移送內閣換給奉

旨依議

新頒印信關防質粗體輕

雍正十三年六月吏部咨內閣交出福建布政使張廷枚奏稱竊照大小衙門印信關防原所以昭信守垂久遠也鑄給之時自應銅質細淨印體厚重不至易於傷損雍正十三年閏四月初八日據延平府南平縣典史徐士奇自京貢送糧駙道蓋法道關防二顆各府廳州縣佐雜等官印信關防共一十顆前來臣隨查驗見糧蓋二道關防銅質粗雜印體輕薄其餘各印亦皆如是隨備文移交糧蓋二道接受啓用并言應將新舊關防之分兩輕重較準移咨續准蓋法道王士任移稱原頒關防重三十兩新頒關防重二十二兩五錢又准糧駙道胡宗文移稱原頒關防重二十七兩二錢新頒關防重二十兩六錢臣以新舊分兩相較計輕四分之一竊恐不時啓用易致傷損除轉詳督撫咨部存案外臣請

勅下禮部嗣後鑄給印信關防務用淨銅照舊日報銷分兩鑄鑄成之時該司呈進堂官驗明銅質細淨分兩無差滿漢篆文俱屬清楚然後頒給等因奉

旨禮部衙門辦理事務甚少鑄印一件乃該部專責朕從前屢諭凡鑄造印信務必選擇吉日如式精工慎重從事今鑄給福建官員印信關防銅質粗礫印體輕薄似此違旨疎忽草率至此是何意見着將禮部堂司官交部嚴審情由定擬議奏所有鑄給閩省官員印信關防着照式另行鑄造呈覽後頒送至閩將不合式之印信換回其新舊鑄造之費俱着堂司官賠補再數年以來頒給各省之印信關防不合定式者必亦然着該督撫等一一查明奏聞照閩省之例辦理倘有瞻徇不舉者將來查出足將隱匿之員照禮部大臣官員從重議處

印信被家人藏匿誑報覆舟沉溺後經尋獲仍擬罪

康熙五十七年七月刑部會看得原任蒲田縣解任知縣楊鰲失印一案據福督滿保審擬徒杖具題前來查楊鰲買有家僕黃成夫妻等服役康熙五十五年五月內黃成之妻王氏打碎茶罐鰲妻怒罵王氏背地詬詈楊鰲聞知卽著伊子楊謙將黃成痛責黃成懷恨于六月初三日乘楊鰲令其用印卽將印信偷藏空灶灰中欲圖害主旋卽縊死王氏聞夫身故先將未週男孩淹斃隨亦自縊楊鰲覓印不得捏報因公覆舟沉溺印信有民人陳春曾經楊鰲問罪挾嫌卽以楊鰲之子通姦家人之女家人忿恨殺死妻女擊碎印信等情首告經撫臣陳 題叅解任發審先經委閩縣知縣張兆鳳等將黃成夫婦身屍驗明委係縊死王氏棺內並無淹斃男孩一屍其陳春所首楊鰲之子楊謙通姦僕女之處嚴審楊謙極口呼冤詰訊陳春亦

供自知錯首歷審各認情真再該撫疏稱楊鰲所失原印已獲不在限內仍應按律治罪等語應將楊鰲革職依遺失印信者杖徒律杖九十徒二年半查定例內文武官員犯笞杖徒流罪俱照律收贖等語楊鰲應照律收贖僧人秀碧聽囑妄報應比照証佐不言實情減罪人罪二等律杖七十徒一年半至配所折責二十五板蕭明等未經查明果否失印草率混報合依不應重律各杖八十皆年逾七十各照例收贖陳春應照一事告實律免罪奉

旨依議

覆舟失印

康熙三十三年九月吏部議廣南府經歷李一選暫理富州土知州印務委令相地設舖行至夢村水口灘水勢洶湧覆舟溺水隨帶印信衝淹無獲查定例官員將印信損壞者罰俸六個月等語應將李一選罰俸六個月所失印信另行鑄給其原領印信俟得獲之日繳部銷燬奉

旨依議



道員擅自交印追送不收

乾隆三年七月刑部會議覆直河朱 等叅奏署永定河道齊格乖張狂悖玩工交印並齊格通揭朱藻挾嫌辱罵及朱藻續叅齊格播弄是非阻碍工程等款一案除齊格督修不力多事混稟造冊草率各款輕罪不議外於交印一欵從重科斷查律載官吏避難因而在逃者杖一百罷職不叙又律註云若無避難因棄印在逃則止罷職等語齊格雖無避難情事但於途次交印追送不收情與棄印相同律宜罷職已經奉

旨革職應毋庸議朱藻身為大臣自應以禮率屬正言教訓乃於公所對衆之時惡聲詈罵殊屬輕忽應請申飭以肅體統臣等未敢擅便謹題奉

旨依議朱藻着飭行

上書奉事犯誨

本章違式

康熙三十一年六月吏部議偏撫王樑慶賀

皇太子千秋令且奉

旨知道了該部知道本內止稱恭遇令且未寫皇太子千秋有違定式着

察議具奏欽此應將偏撫王樑照例罰俸一年

至諱同名之官員取結咨部更改

雍正元年二月吏部議得准晉撫德 疏稱現任河東郭運使更改

郭裕具題前來應如所題准其更名郭裕外嗣後內外滿漢大小現

任候補候選官員有名同

聖諱者理應卽為更名現任京官旂員取具本旂都統印結咨部漢官取

具同鄉京官印結令該部院衙門咨部更名在外現任官員取具同

官印結該督撫咨部候選候補官員旂員取具該旂都統保結咨部

漢官令該地方官出具印甘各結該督撫咨部到日照例准其更名

毋庸具題奉

旨依議

親王名諱全同者應酌改

雍正四年四月吏部准兵部咨江南總督查弼納保舉吳淞營守備員缺之千總劉允祥帶領引

見奉

旨朕從前曾降諭旨凡有與大人名字相同者令其酌量更改甚是明確今查弼納將與怡親王名字相同之千總查弼納並不改名就送來引見甚屬不敬違悖諭旨着查弼納馳驛作速來京該部嚴審定擬具奏總督印務着巡撫張楷署理

本內不許用福林二字

康熙五十二年八月刑部會奏趙州賊犯徐丙等行劫劉文玉家案奉

旨徐丙檀以生俱着即處決餘依議欽此欽遵查題本內寫福林二字不合本部已經改為佛林具題相應咨行該撫轉飭屬員嗣後毋得違犯致干重究

本內錯悞忌辰

康熙三十五年十一月吏部覆福督郭世隆題衢協左營都司徐謙  
恭遇忌辰于署內與原任湯溪知縣譚國樞結親吉服鼓吹演劇等  
語查十二月二十四日非係忌辰該督郭世隆等稱係忌辰錯悞日  
期不合查定例內官員將表文計冊舛錯者罰俸一年等語應將開  
浙總督郭世隆照此例罰俸一年列名具題之浙江巡撫線一信提  
督馬三尚照例各罰俸六個月至揭報忌辰錯悞日期之衢州副將  
仇機溫州總兵官張玉麒亦照此例各罰俸一年奉  
旨郭世隆等俱從寬免罰俸

賞賜書籍分別用本謝 恩

乾隆四年七月大學士伯鄂 等奏稱據通政使歸 奏稱本年六月二十三日准吏部議覆通政使題叅直隸總督孫 恭謝

世宗憲皇帝御製文集應用題本而用奏本一案照會內閣此次書籍係 特荷賞給並非槩行

願發該督具摺奏謝並無錯悞應將直隸總督孫 毋庸議至通政使並 不查明遽行叅奏相應交部查議等因臣等伏查雍正七年八月內 准內閣典籍廳來文內開凡奉到

上諭及

頒發各省衙門書籍或報日期或係恭謝皆用題本至 特荷賞賚等謝

恩代屬官一人謝

欽此

欽此 公式

五

上書奏事犯諱

恩者俱用奏本違者通政使題叅等因通行在案是以雍正十三年  
頒發

聖祖仁皇帝御製文集各省督撫學政謝

恩者共五十九處內用題本者五十五處違例用奏本者原任河東鹽政  
孫 等四處臣衙門照例題叅奉

旨交部欽遵在案恭查雍正十年以後

頒發

世宗憲皇帝硃批諭旨各省督撫提鎮學臣等官亦俱遵例用題本謝

恩本年三月內

皇上頒賜

世宗憲皇帝御製文集與

頒賜

聖祖仁皇帝文集

世宗憲皇帝硃批諭旨事同一例各省督撫等官亦俱陸續用題本謝

恩惟直隸總督孫

河南總督顧

漕運總督托

違例用奏本臣等照

例題叅奉

旨交部欽遵在案今吏部議稱此次書籍用奏本恭謝者並無錯誤則是

用題本恭謝者均屬錯誤矣用奏本者既當免議則用題本者又應

悉處矣事不畫一臣衙門難於辦理伏乞

皇上天恩勅交內閣將

頒發書籍督撫等官謝

恩或仍用題本或改用奏本之處分晰妥議定例具奏俟奉

旨之日知照臣衙門轉行直省一體遵奉庶例得畫一而內外有所遵循

矣等因奉

旨大學士議奏欽此查會典內載直省督撫本堂如係地方公事皆用題  
本若係本身私事俱用奏本等語本年三月內

頒賜

世宗憲皇帝御製文集乃係

賞賜本人祇領之書籍自應照會典內開本身私事俱用奏本之例用奏

本謝

恩今各督撫等或用奏本或用題本未能畫一據通政使歸等奏請定

例以便遵行臣等酌議嗣後有

賞賜書籍如係舉行

頒發各衙門存貯交代者其謝

恩應用題本若

賞賜本人祇領者其謝

恩用奏本如代屬官一人謝

恩者亦用奏本庶奏本題本各有專屬不致互異應請

勅交該衙門通行直省督撫將軍提鎮學臣等於文列之日為始一體遵

行如有違例誤用者通政使衙門照例題參可也謹奏伏候

諭旨奉


旨依議



本內失寫官銜

康熙四十三年八月吏部議奏

旨斬讓原以按察司僉事提督學政這本並未寫官銜止寫提督浙江學政又日行具題于例不合吏部察明具奏欽此查凡道員例不得自行具題斬讓以僉事道提督學政自行具題本內又不開明官銜不合查定例應密不容不應密而密者罰俸六個月又定例慶賀表文不列職名罰俸六個月等語應將斬讓照此例罰俸六個月奉旨江南浙江省俱係學院斬讓亦着為學院從寬免罰俸



題本內官員不列名

雍正二年九月吏部議得大學士馬齊等奏稱查戶部議覆湖南民賦錢糧奏銷等事因原任巡撫魏廷珍原本內只有驛糧道公出等語並未寫出姓名魏廷珍身為封疆大臣諸事詳審且題乃於所奏事件並不留心違例草率且趙殊屬不合請將魏廷珍交與該部察議具奏等因前來應將原任湖撫魏廷珍照例罰俸六個月奉旨魏廷珍於補官日罰俸六個月

參本貼黃未寫姓名

康熙六年六月吏部疏總河楊所參官員貼黃之內未寫姓名雖辭疎忽之咎相應罰俸三個月奉

旨依議

本內無貼黃

康熙二十九年五月通政司疏稱總督與永朝一本為請嚴微弁等  
事又一本為權司儀注參差等事本內俱無貼黃除原本封送內閣  
外應題參 吏部議查定例官員將慶賀表章舛錯或遺漏不奏或  
遺漏字樣者罰俸一年等語應將總督與永朝照此例罰俸一年

蒙古字樣不得改寫夷人

雍正十二年五月吏部咨查署陝督劉 參奏郎中偏圖等案內將  
被槍蒙古貝都布誤寫夷人字樣奉  
旨着更改并知會各處欽此本部業將夷人字樣改為被槍蒙古貝都  
相應知會直隸各省督撫嗣後遇此蒙古勿得書寫夷人字樣為此  
合咨前去欽遵施行




Faint, illegible text bleed-through from the reverse side of the page.

奏摺言語糊塗

雍正五年二月兵部議得總管內務府和碩莊親王等奏稱義州等處佐領伍思哈等進獻鹿尾奏摺言語糊塗事體亦不明白况此三人俱係佐領微末之職肆行稱臣具奏殊屬不合相應交與該部嚴加議處等因前來查律內若上書奏事舛錯者杖六十等語應將佐領伍思哈滿達貝和納比照此律杖六十係官各降一級調用可也奉

旨滿達伍思哈貝和納俱着降一級從寬留任



Faint vertical text columns on the right page, including the characters '本' and '人'.

